

SAKSPAPIR

Saksnr	Utval	Type	Dato
048/23	Formannskapet	PS	07.06.2023
034/23	Ungdomsråd	PS	05.06.2023
047/23	Heradsstyret	PS	21.06.2023

Saksbehandlar	ArkivsakID
Ingri Thomassen	23/1539

Søknad om kommunal garanti for lån - Osterøy stadion Fugledalen

Søknad om kommunal lånegaranti for rehabilitering av kunstgrasdekke - Osterøy idrottslag

Vedlegg:

Osterøy IL konto dokumentasjon finansiering 06.10.22

pdf bekreftelse finansiering til Osterøy IL

Kostnader og finansiering i anleggsregisteret frå godkjent spelemiddelsøknad

Søknad om kommunal lånegaranti

Kommunedirektøren sitt framlegg til vedtak:

Osterøy Idrottslag får innvilga sin søknad om kommunal garanti på lån for å rehabilitere kunstgrasbana på Osterøy stadion - Fugledalen, kroner 6 000 000, forutsett at garantien vert godkjent av departementet, jfr. Kommunelova § 14-19 og Forskrift om garantier og finans- og gjeldsforvaltning i kommuner og fylkeskommuner kapittel 1.

Det vert stilt som vilkår at søknaden om spelemidlar vert fornya årleg i tråd med regelverket. Det er ikkje eit krav at Osterøy Idrottslag har fått tildeling av spelemidlar for at garantien skal vera gyldig.

Garantien gjeld for lån til rehabilitering av kunstgrasbana og lysanlegget.

Ungdomsråd - 034/23

UR - behandling:

Ungdoms- og idrettskonsulenten la fram saka for ungdomsrådet.

UR - vedtak:

Ungdomsrådet støttar kommunedirektøren sitt framlegg til vedtak. Samrøystes vedteke.

Formannskapet - 048/23

FS - behandling:

AVRØYSTING:

Samrøystes vedteke

FS - vedtak:

Osterøy Idrettslag får innvilga sin søknad om kommunal garanti på lån for å rehabilitere kunstgrasbana på Osterøy stadion - Fugledalen, kroner 6 000 000, forutsett at garantien vert godkjent av departementet, jfr. Kommunelova § 14-19 og Forskrift om garantier og finans- og gjeldsforvaltning i kommuner og fylkeskommuner kapitel 1.

Det vert stilt som vilkår at søknaden om spelemidlar vert fornya årleg i tråd med regelverket. Det er ikkje eit krav at Osterøy Idrettslag har fått tildeling av spelemidlar for at garantien skal vera gyldig.

Garantien gjeld for lån til rehabilitering av kunstgrasbana og lysanlegget.

Saksopplysningar:

Saksopplysningar:

Fotballgruppa i Osterøy IL har fått fullmakt frå hovudstyret i idrettslaget til ei låneramme på kr 6 000 000. Lånet vil ha ei nedbetalingstid på 20 år frå juli 2023.

Osterøy kommune har fått bekrefta frå Vestland fylke at spelemiddelsøknaden til Osterøy IL er godkjent. Tildelinga vil koma inntil 4 år etter godkjent søknad grunna plassering på prioriteringslista i handlingsprogrammet i kommunen. Rehabiliteringa er vurdert til å vere fullfinansiert.

Idrettslaget ynskja å nytte miljøvenleg kunstgrasdekke, noko som er kostnadskrevjande. Spelemiddelsøknaden er basert på budsjett og gjekk ut frå det som var planlagt i haust. Det alternative idrettslaget har landa på er rimelegare enn det som er vedlagt den godkjente spelemiddelsøknaden. Osterøy IL har derfor god slingringsmonn for uføresette utgifter. Endringane av kunstgrasleverandør vert lagt inn i fornya spelemiddelsøknad til hausten.

Den kunstgrastypen som er bestilt, får ifyll av kork og kokos og har eigenskapar som gjer at bana trengs å haldast fuktig på tørt og varmt sumarvær. Idrettslaget ynskjer å installere vatningsanlegg som ein del av rehabiliteringa. Vatningsanlegget er ikkje tatt med i spelemiddelsøknaden som no er godkjent og er heller ikkje bestilt. Dette er eit tilleggselement sidestilt med lysanlegg og kan auke spelemiddeltilskotet ved fornying av søknad. Søknad om kommunal lånegaranti for vatningsanlegget er venta på eit seinare tidspunkt.

Osterøy IL eig kunstgrasbana og grunnen anlegget står på, og Osterøy kommune leiger bana til undervisningsføremål.

Låneposten skal dekke følgjande summar i finansieringsbeviset

Post	Sum	Kommentar
Lån	Kr 2 720 080	
MVA-kompensasjon	Kr 1 379 920	Vert tatt opp som lån fram til utbetaling
Spelemiddeltilskot	Kr 1 900 000	Vert tatt opp som lån fram til utbetaling

I Kommunelova § 14-19 står det at «Kommuner og fylkeskommuner kan ikke stille kausjon eller annen økonomisk garanti for virksomhet som drives av andre enn kommunen eller fylkeskommunen selv, hvis garantien innebærer en vesentlig økonomisk risiko». Rehabiliteringa er på handlingsprogrammet for tildeling av spelemidlar, og det er høgt sannsyn for at MVA-kompensasjon vil bli gjeve. Det betyr at den reelle garantien i løpet av ein fireårsperiode vert redusert til kr

2 720 080.

Bakgrunn

Osterøy IL skal rehabilitere kunstgrasbana i Fugledalen, samt lysanlegget. Kunstgrasdekket i Fugledalen var nytt i 2009. Bana har stor slitasje etter mykje bruk av både idrettslag og skulane i nærområdet. Vanleg levetid for kunstgrasdekke er omlag 8-13 år, noko som gjer det klar for oppgradering. Det same gjeld for lysanlegget, som skal oppgraderast frå halogen-pærer til LED-pærer. Dette vil gjere anlegget meir energieffektivt, samt redusere straumkostnader.

Vurdering

Ang. søknad om garanti for lån, er det krav i «Forskrift om garantier og finans- og gjeldsforvaltning i kommuner og fylkeskommuner», § 2, at følgjande må vere vurdert og gjeve informasjon om, i vedtaket:

A. Garantien er stilt for Osterøy idrettslag.

B. Formålet for garantien er rehabilitering av kunstgrasbana og lysanlegget på Osterøy stadion - Fugledalen.

C. Det er stilt garanti for lån.

D. Maksimalt beløp for garantien er kr 6 000 000 . Beløpet vert venta redusert med kr 1 379 920 når MVA-kompensasjon vert utbetalt, og kr 1 900 000 når spelemidlar vert tildelt.

E. Garantien gjeld frå 01.07.23. Garantien opphøyrer når lånet er nedbetalt, og seinast 30.06.43.

F. Vedtaket må godkjennast av departementet etter KommuneLOVA § 14-19.

Lånets hovudstol er på kr 6 000 000. Det vert ikkje gjeve garanti for renter og omkostningar. Dette fordi det ser ikkje ut som det har vore praksis for å gje garanti for renter og omkostningar i tidlegare, tilsvarende saker.

Osterøy kommune tek atterhald om at søknad om spelemidlar vert fornya årleg i påvente av tildeling. Det er ikkje krav om tildeling av spelemidlar i 2023.

Folkehelse

Det er helsefremjande å ha gode anlegg til å drive med fysisk aktivitet, og at innbyggjarane i Lonevåg har tilgang på eit idrettsanlegg som er oppdatert i samsvar til krav.

Miljø

Noverande banedekke har ifyll av gummigranulat. EU-kommisjonen har innstilt på eit forbod mot sal av gummigranulat med ein overgangsperiode på åtte år. Det vil etter åtte år vera umogeleg å etterfylle gummigranulat og ein kan risikere at bana ikkje oppfyller krav til mengde ifyll. Det er derfor svært positivt at nytt banedekke får ifyll av kork og kokos, som er eit miljøvenleg alternativ til gummigranulat.

Økonomi

Av godkjent spelemiddelsøknad hjå fylket er det vurdert at Osterøy IL på noverande tidspunkt og med dagens føresetnader, evner å betale avdraga på lånet.

Konklusjon

Søknad om garanti for lån vert innvilga, og sendt til departementet for endeleg avgjersle.

Søknadssum kroner 6 000 000. Garantien gjeld for lån til rehabilitering av kunstgrasdekke og lysanlegg på Osterøy stadion – Fugledalen.